

BOSNA I HERCEGOVINA
UPRAVA ZA INDIREKTNO OPOREZIVANJE
BANJA LUKA

ODJELJENJE ZA KOMUNIKACIJE I MEĐUNARODNU SARADNJU

Broj: 01/3-50-4-UP/I-27-2/21

Banja Luka, 29.04.2021. godine

Na osnovu člana 14. stav 2. Zakona o slobodi pristupa informacijama u Bosni i Hercegovini („Službeni glasnik BiH“, broj: 28/00, 45/06, 102/09, 62/11 i 100/13), te člana 5. stav 1. tačka b) Pravilnika o unutrašnjoj organizaciji u Upravi za indirektno oporezivanje („Službeni glasnik BiH“, broj: 29/13) u postupku odlučivanja po zahtjevu Nihada Sijerčića, advokata iz Sarajeva, zastupnika nosioca prava Henkel AG & CO KGA, za pristup informacijama, Odjeljenje za komunikacije i međunarodnu saradnju, d o n o s i

RJEŠENJE

Odbija se Nihadu Sijerčiću, advokatu iz Sarajeva, zastupniku nosioca prava Henkel AG & CO KGA, pristup informacijama o uvozniciima Henkel proizvoda: Schauma šamponi i regeneratori, Pallette boje za kosu, Taft, Persil i Bref.

Obrazloženje

U podnesku zaprimljenom u Upravi za indirektno oporezivanje dana 15.04.2021. pod brojem; 01/3-50-4-UP/I-27/21 navodi se da je Henkel AG & Co. KgaA nosilac prava žiga nad više proizvoda koji se uvoze i prodaju na teritoriji BiH, da je Uprava za indirektno oporezivanje Rješenjem broj: 03/4-IPR-18-3-UP/I-83-19 od 15.05.2019. godine odobrila zahtjev za preduzimanje carinskih mjera nad određenim proizvodima nosioca prava poput Schauma šampona, Schauma regeneratora i proizvoda Persil. Dalje navodi se da se obraćao Upravi za dostavljanje informacije u vezi sa preduzetima carinskim mjerama i da se u maloprodajnim objektima širom BiH u slobodnoj prodaji nalaze navedeni ali i ostali Henkel proizvodi koji krše pravo nosioca žiga ili se prodaju na način protivan odredbama Zakona o zaštiti potrošača BiH. U cilju zaštite proizvoda nad kojima nosilac prava ima zaštićeno pravo žiga, podnosilac zahtjeva traži informacije o uvozniciima sljedećih Henkel proizvoda: Schauma šamponi, Schauma regeneratori, Pallette boje za kosu, Taft, Persil i Bref.

U pogledu dostave traženih podataka ističemo da u službenim elektronskim evidencijama carinskog informacionog podsistema Uprave za indirektno oporezivanje nije moguća pretraga uvezene robe po robnim markama odnosno zaštićenom žigu, jer se isti podatak najčešće ne evidentira u carinskoj prijavi. Uputstvom o popunjavanju carinske prijave i zbirne prijave propisan je način popunjavanja carinske prijave u pisanom obliku na obrascu jedinstvene carinske prijave - JCI. Prema Uputstvu, u polje 31. prijave, u dijelu-opis robe, upisuje se uobičajeni trgovački naziv robe, kao i podaci potrebni za identifikaciju i svrstavanje robe po Carinskoj tarifi BiH i drugim tarifama i propisima koji se primjenjuju na robu (npr. akciza, porez i dr.). Oznaka robne marke (žiga) nije obavezna, budući da se obračun uvoznih dažbina vrši po carinskoj stopi propisanoj u Carinskoj tarifi BiH za tu robu. Shodno navedenom ukazujemo da se u raspoloživim službenim elektronskim evidencijama carinskog informacionog podsistema ove Uprave podaci o robi mogu identifikovati prema Carinskoj tarifi BiH, a ne prema zaštićenim robnim markama.

U pogledu navoda da se u maloprodajnim objektima širom BiH u slobodnoj prodaji nalaze navedeni ali i ostali Henkel proizvodi koji krše pravo nosioca žiga ili se prodaju na način protivan odredbama Zakona o zaštiti potrošača BiH, ukazujemo da su, shodno odredbama Zakona o žigu („Službeni glasnik BiH“ broj 53/10), za

povrede prava na žig za robe koje se nađu na unutrašnjem tržištu BiH nadležne entitetske i tržišna inspekcija Brčko Distrikta.

Nadalje, s obzirom da podnosilac zahtjeva traži podatke koji predstavljaju poslovnu tajnu poreskih obveznika upisanih u Jedinstveni registar Uprave za indirektno oporezivanje, a koje ova Uprava dobije kao rezultat izvršavanja obaveza po osnovu indirektnih poreza, ističemo da su takvi podaci posebno povjerljivi i isti se mogu koristiti samo za potrebe indirektnih poreza ili za izvršenje sankcija indirektnih poreza. Davanje tih podataka je propisano odredbama člana 52. stav (1) Zakona o postupku indirektnog oporezivanja („Službeni glasnik BiH“ broj 89/05 i 100/13). Prema odredbama istog člana tražene podatke i dokumentaciju ova Uprava može dostaviti u slučajevima saradnje sa pravosudnim organima ili sa javnim tužiocem u istragama ili krivičnom gonjenju po službenoj dužnosti, pravosudnim organima ili sa javnim organima u zaštiti maloljetnih lica ili drugih lica bez ovlaštenja za postupanje, sudijama u izvršenju rješenja, a kod zahtjeva za dostavljanje podataka od sudije potrebna su odgovarajuća objašnjenja u vezi sa nemogućnosti dobivanja podataka iz bilo kojih drugih izvora.

Slijedom navedenih činjenica, odlučeno je kao u dispozitivu rješenja.

Pravna pouka: Protiv ovog rješenja podnosilac zahtjeva ima pravo podnošenja žalbe direktoru Uprave za indirektno oporezivanje u roku od 15 dana od dana prijema rješenja. Žalba podliježe plaćanju takse u skladu sa Zakonom o administrativnim taksama („Službeni glasnik BiH“, broj: 16/02, 19/02, 43/04, 08/06, 76/06, 76/07, 03/08, 42/08, 03/10 i 98/12).

Dostaviti:

1. Nihad Sijerčić, Fra A.Zvzdovića 1, BC Unitic B/II, 71000 Sarajevo (uz dostavnicu)
2. Odjeljenju 01/3 2x
3. a/a



NAČELNIK ODJELJENJA
RATKO KOVAČEVIĆ